

Peqqissutsimut Naalakkersuisoqarfup AIS2015 pillugu Aningaasaqarnermut Ataatsimiititaliamut akissutaa

2.4. Suliassaqarfik 34-mut Peqqinnissaqarfik

a) Suleqatigiinnissamik isumaqatigiissutit ilaatigut aningaasartuutit ikilisikkaat nassuiaatini allassinavoq. Suleqatigiinnissamik isumaqatigiissutit taamaattut qanoq annertutigisumik sipaaruteqaataasinnaanerat pillugu Naalakkersuisut assersuutissamik takussutissiorsinnaappat?

Peqqinnissaqarfik innuttaasunut neqeroorutit pitsaanerusunnigortinneqarnissaat siunertaralugu arlalinnik suleqatigiinnissaq pillugu isumaqatigiissuteqarfigisaminik Danmarkimi suleqateqarpoq. Kalaallit Nunaannut, kalaallinut napparsimasunut, Kalaallit Nunaanni innuttaasunut inatsisitigut neqeroorutit il.il. ilisimassallugit pisariaqartut qularnaarniarlugit akuttunngitsumik piffissamut sivirusunerusumut isumaqatigiissuteqartoqartarpoq. Tassunga assersuut isit suliaritinneri aamma Risskovimi tarnikkut napparsimasut katsorsarneqarnerat. Taakkua suleqatigisat akulikippallaartumik taarserneqartarpat innuttaasunut napparsimasunullu neqeroorutinut malunnartumik sunnuteqassaaq.

Immikkut ukkanneqartut pillugit suleqatigiinnissamik isumaqatigiissutit aningaasanik pissuteqartumik isumaqatigiinniuteqaqqinneri, tapiliullugit pisarineqartut, sullissineq ajornerulersinnagu aningaasartuutit minnerulernerannik nassataqarsinnaavoq. Soorlu assersuutigalugu peqqinnissaqarfik 2014 tarnikkut napparsimallutik pinerluuteqarsimasunut napparsimavik R3 pillugu Region Midtjyllandimik nutaamik isumaqatigiissusiornissamik isumaqatigiinniarpog. Isumaqatigiissutit taassuma kinguneraa, siusinersukkut isumaqatigiissummut naleqqiullugu R3-mi apeqqutaalluni napparsimasut amerlassusaat peqqinnissaqarfik ukiumut 1-2 mio. koruuninik ileqqaaruteqarsinnaassaq.

3.19. Immikkoortog 6, Naalakkersuisut salliutitaat, qupp. 103

Tarnimikkut nappaatilinnut immikkoortortamik nutaamik Naalakkersuisut pilersitsilersaarpat?

Oqaasertaliussanut tunngatillugu Naalakkersuisut tarnikkut nappaatilinnut immikkoortortaqarfimmik nutaamik pilersitsinissamik pilersaaruteqaangillat. Tulleriissaarinerup utaqqisaanaagallartoq piffissaritinneqartumi killilimmi Risskovimit (R3) napparsimavimmit angerlartitsinermut atatillugu ulloq unnuarlu paaqqinniffimmut tarnimikkut napparsimallutik pinerluuteqarsimasut inissinneqarneranni aningaasartuutit akilernissaannut Naalakkersuisut piginnaatippai. Naammagittaalliuut aalajangersakkamik piviusumik tunngavilersukkamik malitseqartoq Inatsisartut Ombudsmandianut saqqummiunneqarpoq. Ombudsmandi oqaaseqarpoq, innuttaasut inatsisitigut innarlitsaalisaanerannut tunngatillugu Risskovimi napparsimavimmit angerlarnissaanut periarfissaq Namminersorlutik Oqartussat qularnaassagaat. Pisortat assigiinngitsut akuliutsinneqartut akornanni akisussaanerup agguataarnera erseqqissoq pilersinniarlugu aaqqissussiineq taamaallaat atorineqartarpoq. Taamaattumik naatsorsuutigineqarpoq 2015-imi ukiaanerani ataatsimiinnissamut tunngavissaq pisariaqartinneqartup pissarsiarinissaa siunertaralugu aalajangiiffigisassatut siunnersuummik saqqummiussisoqassaq.

9.1 Konto pingaarneq 34.01.01 Peqqissutsimut Naalakkersuisoqarfik

Kalaallit Nunaanni Peqqinnissaqarfup aningaasaqarneranik aaqqissuussaanerani 2010-mi Deloittep misissueqqissaarnerata malitseqartinneqarnera qanoq ingerlava?

Peqqinnissaqarfimmik iluarsaaqqinneq piviusunnngortinneqarpoq aamma nunap immikkoortuani pisortaaqatigiit sumiiffinnilu pisortat kiisami inissipput, taamaasilluni ukiuni aggersuni angusassamik toraagaqarluni eqqissilluni sulisoqarsinnaalerpoq.

Sulisussarsiormermut tunngatillugu suli annertoorujussuarnik unammilligassaqarpoq, aningaasatigut, suliffimmi avatangiisinut sulianillu naammassinnittarnermut tunngatillugu suliffeqarfik tamaat sunniuteqartumik.

Ukiuni kingullerni aningaasanik aqutsineq ukkanneqarnerulersimavoq. Suli unammillernartoqarpoq Immikkoortunut tamanut aningaasaliissutinut killiliussat piviusorsioortuunngimmata, tamatumalu kinguneraa, aningaasaqarneq pingaernerusutigut ataatsimut nalilerneqartarmat aamma kontumiit kontumuunngitsaq.

Sulianik nalunaarsuinerit aqutsinermilu paasissutissat pitsaanerusut qularnaarniarlugit ataatsimoorussamik Napparsimasullu pillugit Elektroniskimik Allattuisarnermik (EPJ) piviusunnngortinniarnera ingerlavoq. EPJ Dronning Ingridip Napparsimavissuani aamma Dronning Ingridip Peqqissaaviani atorneqarpoq naatsorsuutigineqarlunilu 2016-imi nuna tamakkerlugu tamakkiisumik piviusunnngortinneqassasoq.

9.2 Konto pingarneq 34.11.03 Dronning Ingridip Napparsimmavissua

Pilatsittussatut isileritittussatullu utaqqisut ikilisinniarlugit immikkut ittumik suliniuteqarneq 2015-ip naanerani unissasoq Naalakkersuisut paasissutissiissutigaa. Tamatuma kingorna qanoq pisoqassanersoq paasissutissiissutigineqassasoq ataatsimiititaliamit kissaatigineqarpoq?

Malugineqassaaq, utaqqisut allattorsimaffiat apparsarniarlugu immikkut aningaasaliissuteqarneq kinguneqarsimammat, pilattaanernut ukununnga attuumassuteqartut (seeqquusalertinniartut/siffiaasalertinniartut, isip igalaasartaa ersernerlutsitsisoq (grå stær), ujarattaqarnerit, igalaasamigut putusoortut) malunnartumik ikileriarsimapput.

Napparsimasut amerliartornerat maannakkut katsorsaanickekut piginnaassutsimut naleqqutikannerpoq. Tamanna napparsimasut amerliartornerat siunut sammisumik ilisinneqarsinnaasut naatsorsuutigineqanngilaq. Maannakkut katsorsaanermt piginnaassuseq annikinnerulissagaluarpat, taamaalisussatut, utaqqisut allattorsimaffiata nungukkiartuaartinneranut aningaasaliissutit 2015-ip naanerani atorunnaarpara, katsorsartinnissamut piffissaq utaqqiffiusartoq malunnaatilimmik sivisunerulissaaq. Pingaartumik inalugarsuakkut kræfteqarnermt pasitsaanneqartut napparsimasut amerliartornerat inalugarsuarmik qinguartaanickekut misissorneqartussat isumaqarpoq, immikkoortunit allaniit isumalluutit nuunneqassasut napparsimasut kræftimik pasitsaanneqartut sukkasuumik nassuiarneqarnissaannik kissaatigisaq isumagisinnaajumallugu. Tassa napparsimasunut allanut allaanerumik nappaateqartunut piffissaq utaqqiffiusoq suli sivisunerulissaaq.

Malugineqassaaq, utaqqisut allattorsimaffiat apparsarniarlugu immikkut aningaasaliissuteqarneq kinguneqarsimammat, pilattaanernut ukununnga attuumassuteqartut (seeqquusalertinniartut/siffiaasalertinniartut, isip igalaasartaa ersernerlutsitsisoq (grå stær), ujarattaqarnerit, igalaasamigut putusoortut) malunnartumik ikileriarsimapput. Napparsimasut amerliartornerat maannakkut katsorsaanickekut piginnaassutsimut naleqqutikannerpoq.

Immikkut ittumik utaqqisunut allattorsimaffiup atorunnaarsikiartuaarneranut tassungalu aningaasaliissutit AIS16-ip tungaanut nalilersorneqassaaq.

9.3 Konto pingaarneq 34.11.05 Imigassamik ajornartorsiuteqartunut katsorsaasarfiit

- a) *Taamatut katsorsartittarneq nappaammut nalinginnaasumik akeqanngitsumillu katsorsartinnertut isigineqartariaqartoq Naalackersuisut isumaqarpat?*

Imigassamik ajornartorsiuteqartunut katsorsaanerit ullumikkut peqqissutsimut inatsisini ilaanngillat taamaattumillu napparsimavimmi katsorsartinnermut allamut naleqqiunneqarsinnaanatik. Atornerluinermit katsorsartinneq ullumikkut amerlasuunut akeqanngitsumik neqeroorutaavoq, imatut paasillugu atornerluinermit katsorsartinnermut atatillugu angalanermut inissisimanermullu aningaasartuutit peqqinnissaqarfimmit akilerneqartarput, kommunilli sullitap qinnuteqaateqareerneratigut katsorsartinneq akilertarlugu, sullinneqartoq nammineq imaluunniit allat, soorlu assersuutigalugu aningaasartuut sulisitsisumit akilerneqarsinnaanngikkaangat. Kommunit amerlasuut aningaasaqarnikkut ilungersunartorsiorput tamannalu pisortat atornerluinermit katsorsartinnissamut neqeroorutiniq qanoq amerlatigisunik innersuussisinnaanerannut tuniluuppoq.

UPA 2015-imi atornerluinermit katsorsartinnerup akeqanngitsup atuutilersissinnaaneranut Naalackersuisut isumaliutitik saqqummiutissavaat.

- b) *Pisortat imigassamik ajornartorsiuteqartunik katsorsaasarfissaata neqeroorutigineqarnerani 2012-imi suliariumannittussarsiornerup kingorna suliassaq Katsorsaavik Nuuk A/S-imut tunniunneqartoq Naalackersuisut paasissutissiipput. Suliassaqarfimmi sullissinissaq pillugu qaqugu suliariumannittussarsiorortoqaqqissava?*

Maannakkut isumaqatigiissutaasoq 31. marts 2016-mi atorunnaassaaq. 2015-imi ukiakkut suliassap neqeroorutigineqarsinnaanera imaluunniit isumaqatigiissut sivitsorneqassanersoq naliliiffigineqassaaq. Atornerluinermit katsorsartinnerup akeqarunnaarnissaanik pilersaaruteqarnermik suliagarnerup ingerlaqqinnera tassunga aalajangiisuussaaq

- c) *Narkomaninut katsorsartinnissamik neqerooruteqarnissaq isumaliutigineqarsimava?*

Maannakkut neqeroorutaasoq imigassamut, ikiaroomartumut aningaasanoorajunnermullu sammitinneqarpoq, taamatullu atornerluinermit katsorsartinnerup akeqarunnaarnissaanik siunnersuutissami pisoqassaaq.

9.4 Konto pingaarneq 34.12.01 Nunap immikkoortuini pegginissagarfiit, nakorsanit sullinnegarneq

Aningaasaliissutit 2,0 mio. kr.-inik ikilineqarput kontumullu pingaarnermut 34.12.05-imut, Nuna tamakkerlugu nakorsaaserisoqarfimmut, nuunneqarlutik.

- a) *Aningaasaliissutit 2 mio. kr.-inik ikilisinneqarsinnaaqqullugit kontomi pingaarnermi matumani suut pingaannginnerusunngortinneqarsimanersut paasissutissiissutigineqassasog ataatsimiititaliamit kissaatigineqarpoq?*

Konto pingaarnermi matumani tulleriissaarinermi kingullinngortitsisoqanngilaq. Konto ukiuni arlaqartuni atuinikinneruffiusimavoq, peqqinnissaqarfiullu ataatsimoortumik atuinerneranut matussusiinernut ingerlaavartumik atorneqarsimalluni. Tamanna tunuliaqutaralugu aningaasat taakkua Nuna tamakkerlugu Nakorsaaserisoqarfimmut nuunnissaat tamakkiisumik akisussaassuseqarnertut nalilerneqarpoq, ingerlaavartumik aningaasaqarnikkut ilungersunartorsiortuartumut nakorsaaitit immikkut akisuut akitsoraluttuinnameri pissutigalugit.

9.5 Konto pingaarneg 34.12.02 Nunatsirni Pegginnissakkut Ilinniartitaanikkullu suliniuut

Aningaasaliissutinut nuunneqartunut assigiinngitsunut takussutissiaq skematalik paasiuminarnerullunilu atuaruminarnerussasoq ataatsimiititaliaq isumaqarpoq. Konto pingaarneg manna kisimi tamatumani pineqanngilaq, kontolli pingaarnertit allat annertuumik nuussiffiusut aamma pineqarput. Ukiup tulliani aningaasanut inatsisissatut siunnersuummi tamanna isumaliutigineqassasoq siunnersuutigineqarpoq.

- a) 6,7 mio. kr.-it konto pingaarnermut 34.12.06-imut nuunneqartut siunertarineqartumut atorneqaannassanersut paasissutissiissutigineqassasoq ataatsimiititaliamit kissaatigineqarpoq.

Taakkua 6,7 mio. koruunit konto pingaarnermut nutaamut 34.12.06-imut nuunneqassapput siunertamullu aamma tassunga atorneqassallutik.

Nuussinernut tamanut skema suliarineqarpoq qinnutigineqareerneratigullu nassiuunneqarsinnaalluni.

9.6 Konto pingaarneg 34.12.03 Ataatsimut aningaasartuutit, napparsimasunik angallassinertit

Konto pingaarnermi matuminnga 2015-imi 12,1 mio. kr.-it kiisalu ukiuni missingersuusiorfiusuni 15,1 mio. kr.-it kontumut pingaarnermut 31.12.06-imut nuunneqarput.

Siunissami angalanerulernissamik naatsorsuutiginninnermut tamanna qanoq naapertuunnersoq paasissutissiissutigineqassasoq ataatsimiititaliamit kissaatigineqarpoq?

Aningaasat nuunneqartut, napparsimasunik angallassinermut angallassinermullu, atuiffiunerulersunut, attuumassuteqanngillat. Atortunut atortorissaarutinullu aningaasat, ataatsimoorussamut kontumut nutaamut nuunneqartut pineqarput. Aningaasat taakkua nuunneqarput pitsaaneruseqanngit aningaasatigut malitseqartitsineq qularnaarniarlugu. Oqaatigineqarsinnaavoq, atortorissaarutit atortullu tamakkiisumik atorneqartuarmata.

9.7 Konto pingaarneg 34.12.05 Nuna tamakkerlugu nakorsaaserisoqarfik

Nakorsaaitit pisiniarfinni pisiarineqarsinnaasut kikkannit tamanit pissarsiarineqarsinnaajuaqqullugit najukkani niuertut qanoq isumaqatigiissuteqarfigineqarsimappat?

Niuerniartut pisiniarfiusinnaasumut Region hovedstadens Apotekimut innersuunneqartarput, nakorsaaitit nammineq pisiarineqarsinnaasut akuerisaasut kalaallisut oqaasertalinnik allagartallit tunniussinnaasarpaat. Nuna tamakkerlugu nakorsaaserisoqarfik kalaallisut oqaasertallit akuerisaasunik allagartallit tunniunnissaannut akisussaasuvoq.

Niuerniartut amerlanerulluurtut Pilersuisumi pisiniartarput, taanna Region Hovedstadens Apotekimi annertuumik pisiniartarpoq tamanullu tunniussilluarteruni.

Nakorsaatinut nammineq pisiarinqarsinnaasunut nalunaarummi piunasaqaatit naammassisimagunikku, nakorsaatit nammineq pisiarinqarsinnaasut tuniniarnissaanut qinnuteqareernikkut niuertarfiit tamarmik akuersissummik pisinnaapput:

”Nakorsaatinik niuertarfinni pisiassanik tuniniaanissamut passussinissamullu akuersissuteqartarnek pillugu Namminersornerullutik Oqartussat nalunaarutaat nr. 1, 13. januar 2006-meersoq” (§ 5-imi, imm. 2, § 13, imm. 2, aamma Nakorsaatit pillugit Inatsisartut peqqussutaat nr. 1, 12. maj 2005-meersumi § 24-mi, imm. 4 malillugit).

Illoqarfinni nunaqarfinnilu tamani nakorsaatinik nammineq pisiarinqarsinnaasunik tuniniaasoqarpoq, pissutigalugu Brugsenip, Kamiup, Pisiffiup Pilersuisullu pisiniarfitik tamaasa akuerisaatinnikummatigit. Tamatuma saniatigit pisiniarfiit allat 10-15 missaaniittut akuersissuteqarput

9.8 Konto pingaarneq 34.14.01 Nunatsinni Nakorsaaneqarfik

a) Naammagittaalliutinut atatillugu suliassami kisitsisit annertooujussuarmik gaffariaateqarnerannut suna pissutaava?

Qaffariartornivik annertuallaangilaq. Mianersulaartumik missingersuummi AI2014-imi sulianut kisitsisit ersersinneqarput, 2014-nimulli suliat naammagittaalliutigineqartut inaarutaasumik naatsorsornerisa takutippaat, Nakorsaaneqarfik 2014-imi naammagittaalliutinik nutaanik 107-inik tigusaqarsimasoq, naammagittaalliutillu 88-it naammassineqarsimallutik.

Ukioq 2000-miilli peqqissutsimut suliatigit naammagittaalliutit amerlassusaat marloriaatinngorsimavoq. Isumalluutit taamaaqataanik annertusineqarsimanngimmata, tamatuma kinguneraa piffissap suliamut atorneqartarput sivilunerulernera.

b) Naammagittaalliutinit qanoq amerlatigisut nunatsinni suliarineqartarpat?

Massakkutut iluseqartillugu suliat tamarmik Kalaallit Nunaanni Nakorsaaneqarfimmit aamma Danmarkimi Patientombuddimi suliarineqartarput

9.9 Konto pingaarneq 34.15.01 Inuuneritta

Aaqqissuussaasumik paasititsiniaanermik imminortarnermillu pinaveersaartitsinermik suliniuteqarnissamut immikkoortit 907.000 kr.-iusut sumorpiag atorneqartarpat?

- Imminut toquttarnerup pitsaaliorneqarnera pillugu paasititsiniaanerit peqqik.gl-kkut paasissutissiissutigineqarput.
- Innuttaasut tamarmik pissarsiarisinnaasaannik imminut toquttarnerup pitsaaliorneqarnera pillugu paasissutissat paasiuminartut pissarsiariuminartullu suliarineri.
- Imminut toquttarnerup pitsaaliorneqarnerani ”atuinissamut ilisimannilluurtut” ilinniartinneqarneranni imminut toquttarnerup pitsaaliorneqarnera pillugu ilisimasat ikkutivinnissaat, imminut toquttarnerup

pitsaaliorneqarnerani sulinermi suliassat isumaginissaannut inuit najukkamiitut ilinniartinneqarsinnaanerit aamma imminut toquttarnerup pitsaaliorneqarnerani sulissut siunnersorneqarsinnaanerit ingerlaavartumik qulakkeerneqarsinnaapput.

- Imminut toquttarnerup pitsaaliorneqarnera pillugu paasititsiniaaneq paasissutissiisarnerlu.
- Imminut toqunnissamut ulorianartorsiortunut saaffiginninnissamut periarfissat pillugit nuna tamakkerlugu paasititsiniaaneq
- Imminut toquttarnerup pillugu pitsaaliuinnermut inuit suliamut pingaarutillit ilinniartinneqarneri aamma imminut toquttarnerup pitsaaliorneqarnera pillugu ataatsimeersuarneq aqqutigalugu ilisimasanik siaruarneri kommunerujussuarnilu sisamaasuni tamani pikkorissarnermik malitseqartillugu

16.8 *Konto pingaarneq 86.60.01 Peqqinnissaqarfik*

a) *Suliniut nr. 060.46.020-p allaaserineqarnera naammannngilaq annertusarneqartariaqarlunilu.*

Dronning Ingridip Peqqissaavianut (DIS) sanaartornissamut akuersissuteqartoqassappat "OP-toqaq" ingitserneqartariaqarpoq DIS-mullu biilnut inissiisarfik pilersinneqarluni

b) *Nuummi DIN-mi pilattaavitoqqap isaterneqarnerata kingorna nunaminertaq sumut atorneqassanersoq Naalakkersuisunit aalajangerneqarsimava?*

Takuuk 16.8 a-mi akissuteqaat

c) *Meeqqanut immikkoortortaliornissaa Naalakkersuisunit qanoq pilersaaruteqarfigineqarpa aammalu meeqqanut immikkoortortami sulisorisanut atugassarititaasussat Naalakkersuisunit qanoq rassuiarneqarsinnaappat?*

Maannakkut meeqqanut immikkoortortaqarfiusoq nakorsartittunut immikkoortortaqarfiup isuani inissisimavoq, taamaattumillu meeqqat inersimasut napparsimasorujussuit ullup ingerlanerani isersimaartarfimmillu atueqatigaat. Tamannalu meeqqat avatangiisimik eqqissisimasumik pisariaqartitaannut pilersitsinissamut ikiuutaanngilaq. Peqatigitillugu illutaanut tunngasut killeqarput. Assersuutigalugu immikkoortortaqarfimmi meeqqanik passussiffiusinnaasoq ataasiinnaavoq, pinnguarterfik mikisuararsuuvog isersimaartarfimmut angajoqqaanit isersimaarfigineqarsinnaasumut atanani. Tassunga ilaavoq, meeqqat unitsinneqaraangata, angajoqqaaq meeqqamut ilagitillugu unitsinneqartarpoq, taamaattumik maannakkut init uninngasarfiit marlunnik siniffillit piviusumik siniffiit sisamaapput. Init uninngaffiusartut angissusii killeqareermata, paaqqinninneq eqqiaanerlu akornusersorneqartarput.

Tarnit pissusaanik katsorsaavimmik nutaamik sananikkut illutami 1-mi m2 namminiilissaaq. Nakorsaatitortinneqartunut Immikkoortortaqarfik ingerlatsinerit allanngortinnerisigut meeqqat siniffii ineerarlugu pingaaruteqannginnerusoq naleqqunnerusumik inissinneqarnissaat inersimasunut napparsimasunut immikkoortortaqarfimmut tunngatillugu qinnutigineqarsinnaapput, sulianut ataatsimoorneq pingaartunullu pilersaarusiorneq kalluannngikkaluarlugit qinnutigineqassapput.

d) Suliniut nr. 999.46.019-imut, Napparsimasut ataasiakkaat pillugit paasisutissanut tunngasunut katillugit 28 mio. kr.-inik aningaasaliissutiniit ilaatigut siunnersortinik ikiorteqarnermi aningaasat akilerneqarsinnaasut allassimavoq. Siunnersortinik ikiorteqarneq ataatsimut isigalugu Naalakkersuisunit sipaaruteqarfiusussatut siunnersuu-tigineqartup assinga pineqarpa?

Iluarsartuullugu pilersaarussiaq 999.46.019-mi siunnersortinut taamatut siunnersorneqarnermut nalinginnaasumik sipaarniutissatut siunnersuutigineqartut aningaasartuutit akilerneqassanngillat. Cambio-mit tuniniaanermik neqeroornerit programmimillu tuniniaasumit siunnersuinerit arlaqanngitsunnguit ilanngullugit pisiarineqarput. Siunnersortit siunnersuineri allat, iluarsartuullugu pilersaarussiaq toqqaannanngikkaluamik attuumassuteqartut tassaapput avataaniit atuartitsisut, nakorsiartarfinni sulisunik ilinniartitsisut. Taakkununga aningaasartuutit peqqinnissaqarfimmit akilerneqartarput.